

無垢淨光大陀羅尼經

彼五

唐天竺沙門彌陀山等譯

如是我聞一時佛在迦毗羅城大精舍中與大比丘眾無量人俱復有無量百千億那由他菩薩摩訶薩其名曰除一切蓋障菩薩執金剛王菩薩觀世音菩薩文殊師利菩薩普賢菩薩無盡慧菩薩彌勒菩薩如是等而為上首復有無量天龍夜叉乾闥婆阿脩羅迦樓羅緊那羅摩睺羅伽人非人等無量大眾恭敬圍遶而為說法時彼城中有大婆羅門

名劫比羅戰荼歸敬外道不信佛法有善相師而告之言大婆羅門汝却後七日必當命終時婆羅門聞是語已心懷愁惱驚懼怖畏作是思惟誰能救我我當依誰復作是念沙門瞿曇稱一切智證一切智我當詣彼彼若實是一切智者必當說我憂惱之事作是念已即往佛所於眾會前遙觀如來意欲請問而懷猶豫時釋迦如來於三世法無不明見知婆羅門心之所念以慈軟音而告之言大婆羅門汝却後七日定當命終墮可畏處阿

鼻地獄從此復入十六地獄出已復受旃陀羅身命終之後復生豬中恒居臭泥常食糞穢壽命長時多受衆苦後得爲人貧窮下賤不淨臭穢醜形黑瘦乾枯癩疾人不喜見其咽如針恒乏飲食爲人捶打受大苦惱時婆羅門聞是語已生大恐怖悲泣憂愁疾至佛所頂禮雙足而白佛言如來即是救濟一切諸衆生者我今悔過歸命世尊唯願救我大地獄苦佛言大婆羅門此迦毗羅城三岐道處有古佛塔於中現有如來舍利其塔崩壞

汝應往彼重更修理及造相輪牒寫陀羅尼以置其中興大供養依法七遍念誦神呪令汝命根還復增長久後壽終生極樂界於百千劫受大勝樂次後復於妙喜世界亦百千劫如前受樂後復於諸兜率天宮亦百千劫後五相續受樂一切生處常憶宿命除一切障滅一切罪永離一切地獄等苦常見諸佛恒爲如來之所攝護婆羅門若有比丘比丘尼優婆塞優婆夷善男女等或有短命或多病者應修故塔或造小塔依法書寫陀羅尼呪呪

索作壇由此福故將盡之命復更增壽諸病  
苦者皆得除愈永離地獄畜生餓鬼耳尚不  
聞地獄之聲何況身受時婆羅門聞此語已  
心懷歡喜即欲往彼故壞塔所依教修營時  
衆會中除蓋障菩薩從座而起合掌向佛白  
言世尊何者是彼陀羅尼法而能生長福德  
善根佛言有大陀羅尼名最勝無垢清淨光  
明大壇場法諸佛以此安慰衆生若有聞此  
陀羅尼者滅五逆罪閉地獄門除滅慳貪嫉  
妬罪垢命短促者皆得延壽諸吉祥事無不

成辦時除蓋障菩薩復白佛言世尊願佛說  
此陀羅尼法令一切衆生得長壽故淨除一  
切諸罪障故為一切衆生作大明故爾時世  
尊聞是請已即於頂上放大光明普照三千  
大千世界遍覺一切諸如來已還歸本處從  
佛頂入時佛即以美妙悅意迦陵頻伽和雅  
之音而說呪曰  
南謨颯哆颯怛底下同弊毗也切三藐三  
佛二陀俱胝喃下同鉢喇戍下同陀摩  
捺婆三簿去聲底質多鉢喇底瑟恥哆喃四

南謨薄伽跋帝阿彌多喻煞寫怛他揭怛寫

五 唵引聲 怛他揭多戍第七 阿喻毗輸達你

六 僧嘍訶萬切下同 囉僧嘍囉九 薩婆怛他揭多

毗喇邪跋麗娜十鉢喇底僧嘍囉阿喻十薩

麼囉薩麼囉二薩婆怛他揭多三昧跋三菩

提菩提四 教地下同 毗勃地五 菩馱也菩

馱也六 薩婆播波引 阿伐喇拏上毗戍第七

毗揭多末羅珮跋八 蘇勃馱勃第九虎嚕虎

嚕莎引聲訶二十

佛言除蓋障此是根本陀羅尼呪若欲作此

法者當於月八日或十三日或十四日或十

五日右遶舍利塔滿七十七市誦此陀羅尼

亦七十七遍應當作壇於上護淨書寫此呪

滿七十七本尊重法故於書寫人以香華飲

食淨衣洗浴塗香熏香而為供養或施七寶

或隨力施當持呪本置於塔中供養此塔或

作小泥塔滿足七十七各以一本置於塔中

而興供養如法作已命欲盡者而更延壽一

切宿障諸惡趣業悉皆滅盡永離地獄餓鬼

畜生所生之處常憶宿命一切所願皆得滿

足則為已得七十七億諸如來所而種善根  
一切眾病及諸煩惱咸得消除若人病重命  
將欲盡當為作方壇於上畫作種種形狀所  
謂輪形金剛杵形蟲形戟形卍字形蓮華形  
四角畫蓮華華上安瓶瓶滿香水置於四角  
布列香爐燒眾名香以五色鉢盛種種食及  
三白食謂乳酪復以五鉢各盛香華壇上供  
養種種飲食盛滿一器及水一瓶置壇中心  
於壇近邊畫作毗那夜迦像頂上安燈將彼  
病人在於壇西面向此壇盛一器食對病人

前置於壇上呪師要須清淨如法呪此病人  
七十七徧令將死之人惛冥七日命續識還  
如從夢覺若有護淨日別一徧誦念此呪滿  
足百年是人命終生極樂界若一切時常念  
誦者乃至菩提恒憶宿命永離夭壽及諸惡  
趣若復有人為於亡者稱其名字至心誦呪  
滿七十七徧若彼亡人墮惡趣者應時即得  
離惡道苦生天受樂或稱彼名依法書寫此  
陀羅尼置佛塔中如法供養亦令亡者得離  
惡趣生於天上或復得生兜率天宮乃至菩

提不墮惡道若有善男子善女人於此佛塔  
或右繞或禮拜或供養者當得授記於阿耨  
多羅三藐三菩提而不退轉一切宿障一切  
罪業悉皆消滅下至飛鳥畜生之類至此塔  
影當得永離畜生惡趣若有五無間罪或在  
塔影或觸彼塔皆得除滅置塔之處無諸邪  
魅夜叉羅刹富單那毗舍闍等惡獸惡龍毒  
蟲毒草亦無魍魎諸惡鬼神奪精氣者亦無  
刀兵水火霜雹饑饉橫死惡夢不祥苦惱之  
事於彼國土若有諸惡先相現時其塔即便

現於神變出大光燄令彼諸惡不祥之事無  
不殄滅若復於彼有惡心衆生或是怨讎及  
怨伴侶并諸劫盜寇賊等類欲壞此國其塔  
亦便出大火光即於其處現諸兵仗惡賊見  
已自然退散常有一切諸天善神守護其國  
於國四周各百由旬結成天界其中男女乃  
至畜生無諸疫癘疾苦鬪諍不作一切非法  
之事其餘呪術所不能壞是名根本陀羅尼  
法善男子今為汝說相輪標中陀羅尼法即  
說呪曰

唵引薩婆怛他揭多毗補羅曳下移熱切瑟撒  
竹几切末尼羯諾迦舉佉切曷喇折哆三毗菩  
 瑟哆曳瑟撒四杜嚕杜嚕五三曼哆毗嚕吉  
 帝六薩囉薩囉引播跋輸達尼七善達尼三  
 善達尼八鉢囉上伐囉上曳瑟撒伐囉九末  
 尼脫誓十鶻嚕止囉上末羅毗戌第十吽引  
吽牛鳴音莎引訶二十  
 善男子應當如法書寫此呪九十九本於相  
 輪椽四周安置又寫此呪及功能法於椽中  
 心密覆安處如是作已則為建立九萬九千

相輪椽已亦為安置九萬九千佛舍利已亦  
 為已造九萬九千佛舍利塔亦為已造九萬  
 九千八大寶塔亦為已造九萬九千菩提場  
 塔若造一小泥塔於中安置此陀羅尼者則  
 為已造九萬九千諸小寶塔若有衆生右遶  
 此塔或禮一拜依五或一合掌或以一華或以一  
 香燒香塗香鈴鐸幡蓋而供養者則為供養  
 九萬九千諸佛塔已是則成就廣大善根福  
 德之聚若有飛鳥蚊蚋蠅等至塔影中當得  
 授記於阿耨多羅三藐三菩提而不退轉若

遙見此塔或聞鈴聲或聞其名彼人所有五  
 無間業一切罪障皆得消滅常為一切諸佛  
 護念得於如來清淨之道是名相輪陀羅尼  
 法善男子今為汝說修造佛塔陀羅尼法即  
 說呪曰

唵引薩婆怛他揭多二末羅毗輸達尼<sub>三上音</sub>  
 健陀鞞梨鉢娜伐嚧<sub>四</sub>鉢喇底僧塞迦囉<sub>五</sub>  
 怛他揭多馱都達嚧<sub>六</sub>達囉達囉<sub>七</sub>珊達羅  
 珊達羅八薩婆怛他揭多九阿地瑟恥帝莎  
 引訶十

若有比丘比丘尼優婆塞優婆夷若自造塔  
 若教人造若修故塔若作小塔或以泥作或  
 用甄石應先呪滿一千八徧然後造作其塔  
 分量或如爪甲或長一肘乃至由旬以其呪  
 力及至心故於泥等塔中出妙香氣所謂牛  
 頭梅檀赤白梅檀龍腦麝香鬱金香等及天  
 香氣自作教人皆得成就廣大善根福德之  
 聚命若短促便得延壽後臨終時得見九十  
 九億百千那由他佛常為一切諸佛憶念而  
 與授記生極樂界壽命九十九億百千那由

他歲常得宿命天眼天身天耳天鼻天梅檀香從其身出口中常出優鉢羅華香得五神通於阿耨多羅三藐三菩提得不退轉若呪香泥下至極少如芥子許塗此塔上彼人亦得如上所說大福德聚若比丘比丘尼優婆塞優婆夷如法書寫陀羅尼法以清淨心尊重供養如佛無異於書寫人亦增上供養如前所說書呪印已置於塔中及所修塔內并相輪橈中如法成就是人當得廣大善根福德之聚佛說此陀羅尼印法時十方一切諸

佛如來同聲讚言善哉善哉釋迦牟尼如來應正等覺乃能善說此大陀羅尼印法令一切衆生皆無空過獲大利益攝大福聚乃至於阿耨多羅三藐三菩提得不退轉爾時衆中天龍八部及諸菩薩執金剛主四王帝釋梵天王那羅延摩醯首羅摩尼跋陀補那跋陀及跋羅神夜摩神婆樓摩神俱薛羅神婆颯婆神諸仙衆等聞此法已起厭離心調伏柔軟生大歡喜以大音聲互相謂言希有希有諸佛如來希有希有真正妙法希有希有

此陀羅尼印法如來所說甚難值遇是時劫  
 比羅戰荼大婆羅門聞此大功德殊勝利益  
 大陀羅尼法印即得明達法性遠塵離垢斷  
 諸煩惱滅諸罪障壽命延長生大歡喜踊躍  
 無量令一切衆生亦皆當得心意清淨爾時  
 除蓋障菩薩摩訶薩持一寶臺種種衆寶間  
 錯莊嚴以佛莊嚴而莊嚴之愛樂法故供養  
 如來右遶三帀頂禮佛足而白佛言世尊此  
 大陀羅尼壇場法印甚難值遇世尊說此一  
 切衆生妙法庫藏鎮閻浮提令諸衆生種大

善根施其壽命消滅煩惱我今亦當為令衆  
 生種善根故供養一切諸如來故今於佛前  
 說自心印陀羅尼法即說呪曰  
 南謨薄伽伐帝納婆納伐底喃一三藐三佛  
 陀俱胝那度多設多索訶薩囉引喃二南謨  
 薩婆你伐囉拏上聲毗瑟劔鼻泥引菩提薩埵  
 也三唵四引聲觀嚕觀嚕五薩婆阿伐囉拏毗  
 戍達尼六薩婆怛他揭多摩庾播刺尼七毗  
 布麗昵末麗八薩婆悉陀南摩塞訖栗帝九  
 跋囉跋囉十薩婆薩埵婆盧羯尼十一吽引聲薩

婆尼伐囉拏上聲毗瑟劔毗呢二薩婆播波毗

燒達尼莎引訶三引十句

世尊此陀羅尼是九十九億諸佛所說若有至心暫念誦者一切罪業悉皆消滅若有依法書寫此呪滿九十九本置於塔中或塔四

改五

周有人禮拜及以讚歎或以香華塗香燈燭供養此塔彼善男女於現生中滅一切罪除一切障滿一切願則為供養九十九億百千那由他恒河沙等諸如來已亦為供養九十九億百千那由他恒河沙等舍利塔已是則

成就廣大善根福德之聚若有比丘於月八日十三日十四日十五日洗浴護淨著鮮潔衣於一日一夜而不飲食或時唯食三種白食右遶佛塔誦此陀羅尼滿一百八徧百千劫罪及五無間皆得除滅我除蓋障即為現身令其所願皆悉滿足得見一切諸佛如來若有誦滿二百八徧得諸禪定若有誦滿三百八徧得淨一切障三昧若有誦滿四百八徧得四大天王常來親近現身衛護加其身心增大威德若有誦滿五百八徧攝得無量

阿僧祇不可量諸大善根若有誦滿六百八  
徧便得此呪根本法成爲持呪天仙若有誦  
滿七百八徧得大威德具足光明若有誦滿  
八百八徧得心清淨若有誦滿九百八徧得  
五根清淨若有誦滿一千八徧當得須陀洹  
果若誦滿二千徧當得斯陀含果若誦滿三  
千徧當得阿那含果若誦滿四千徧當得阿  
羅漢果若誦滿五千徧當得辟支佛果若滿  
六千徧當得普賢地若滿七千徧當得初地  
若滿八千徧當得第五地若滿九千徧當得

普門陀羅尼若滿十千徧當得不動地若復  
滿十一千徧當得如來地成大人相大師子  
吼若復有人欲於現生成就功德大利益者  
應修故塔誦呪右遶滿百八遍心中所願無  
不成滿時釋迦牟尼佛讚除蓋障言善哉善  
哉善男子汝能如是隨順如來所演<sup>後五</sup>呪法而  
助宣說時執金剛大夜叉主白佛言世尊此  
大呪王陀羅尼法同如來藏亦如佛塔世尊  
以此勝法鎮閻浮提令一切衆生皆得解脫  
能於後時作大佛事佛言執金剛主此大呪

法若在世時同如來在以其能作佛所作事  
 少有所作成大福聚況多功用所獲善根假  
 使百千億那由他恒沙諸佛說不能盡佛眼  
 所見不可為喻不可量不可說執金剛主言  
 以何因緣少用功力成大福聚佛言諦聽當  
 為汝說若比丘比丘尼優婆塞優婆夷欲得  
 滿足大功德聚當依前法書寫此四大陀羅  
 尼呪法之王各九十九本然後於佛塔前造  
 一方壇牛糞塗地於壇四角置香水滿瓶香  
 爐布列以供養鉢盛香華水烝米置於壇上

及三味食烏麻綠豆并三白食各置瓶中布  
 於壇上種種果子數滿九十九并四種食一  
 切所須及諸香華皆置其上以陀羅尼呪置  
 相輪櫟中及塔四周以呪王法置於塔內想  
 十方佛至心誦念此陀羅尼即說呪曰

南謨納婆納伐底喃後五怛他揭多俱胝喃十一一  
 加捺地婆盧迦三摩喃二唵三引毗補麗毗末  
 麗四鉢囉伐麗五市那上伐麗六薩囉薩囉  
七薩婆怛他揭多馱都揭鞞八薩底丁耶地  
 瑟恥帝莎引訶九阿引耶下夷我切咄都飯尼

莎引訶十薩婆提婆那婆訶引耶弭十勃陀

阿地瑟佗那十二摩也莎引訶三十

應燒香相續誦此陀羅尼呪二十八徧即時

八大菩薩八大夜叉王執金剛夜叉主四王

帝釋梵天王那羅延摩醯首羅各以自手共

持彼塔及相輪櫟亦有九十九億百千那由

他恒河沙諸佛皆至其處加持彼塔安佛舍

利由加持故令塔猶如大摩尼寶是人由此

則為已造九十九億百千那由他諸大寶塔

由此當得廣大善根壽命延長身淨無垢衆

病悉除災障殄滅若見此塔者滅五逆罪聞

塔鈴聲消諸惡業捨身當生極樂世界若有

傳聞此塔名者當得阿鞞跋致下至鳥獸得

聞其聲離畜生趣永不復受當得廣大福德

之聚若復有人欲得滿足六波羅蜜者當作

方壇先以牛糞塗後以淨土而覆其上灑以

香湯滑淨塗拭五供養鉢置於壇上寫前四

種陀羅尼呪各九十九本手作小塔滿九十

九於此塔中各置一本其相輪呪還置小塔

相輪櫟中行列壇上以諸香華供養旋遶七

徧誦此陀羅尼曰

南謨納婆納伐底喃怛他揭多一 彌伽捺地

婆盧迦<sup>二</sup>俱胝那度多設多索訶薩囉喃<sup>三</sup>

唵<sup>四</sup>普怖哩<sup>五</sup>折里尼<sup>六</sup>折哩慕<sup>上</sup>哩忽哩

<sup>七</sup>社擺跋哩莎<sup>引訶八</sup>

若依此法而受持者<sup>枝五</sup>六波羅蜜俱時成滿是<sup>十二</sup>

則同造九十九億百千那由他恒河沙等七

寶塔已是則供養九十九億百千那由他如

來應正等覺皆以諸天大供養雲種種莊嚴

諸天宮殿諸天供具而為供養彼諸如來皆

悉憶念此善男女令其當得廣大善根福德

之聚若有於此呪王如法書寫受持讀誦供

養恭敬佩於身上以呪威力擁護是人令諸

怨家及怨朋黨一切夜叉羅刹富單那等皆

於此人不能為惡各懷恐怖逃散諸方若有

得共彼人語者亦得除滅五無間業若有得

聞此人語聲或在其影或觸其身令彼一切

宿障重罪皆得消除而於彼人毒不能害火

不能燒水不能漂厭禱邪魅不得其便雷電

霹靂無能驚燒常為諸佛而共加持一切如

來安慰護念諸天善神增其勢力非餘呪術  
之所能制是故應當於一切處求此呪法寫  
已置於當路塔中令往來衆下至鳥獸蛾蠅  
蟻子皆得永離一切地獄及諸惡趣生諸天  
宮常憶宿命至不退轉爾時佛告除蓋障菩  
薩摩訶薩執金剛主四王帝釋梵天王等及  
其眷屬那羅延天摩醯首羅等言善男子我  
以此呪法之王付囑汝等應當守護住持擁  
衛以肩荷擔寶篋盛之於後時中莫令斷絕  
應善執持應善覆護授與後世一切衆生令

得見聞離五無間是時除蓋障菩薩執金剛  
主四王帝釋梵天王那羅延摩醯首羅及天  
龍八部等咸禮佛足同聲白言我等已蒙世  
尊加護授此呪法及造塔法咸皆守衛住持  
讀誦書寫供養為護一切諸衆生故於後時  
分令彼衆生悉得聞知不墮地獄及諸惡趣  
我等為報如來大恩咸共守護令廣流通尊  
重恭敬如佛無異不令此法而有壞滅佛言  
善哉善哉汝等乃能堅固守護住持如是陀  
羅尼法時諸大衆聞佛說已歡喜奉行

無垢淨光大陀羅尼經

音釋

捶

打捶之

打累切

杖打音

擊也

也音

標

斜抽

也庚切

也

蠱

落

也戈切

肘

戟紀

殄

滅也

也

癘

疾

疫

也

肘

二尺

為

也

永樂北藏

無垢淨光大陀羅尼經

第四七册

永樂北藏

無垢淨光大陀羅尼經

第四七册